

gebrüdern, Bernharden von Kochberg, Friderich von Biczleiben⁴ iren helffern vnd den, dy sich yr annemen würden, darumb so ist wol billich, daz wir vns widerumb czu ou segin, voreynigen, vorbinden vnd sy fruntlich vnd getruwelich meynen. Also haben wir obgenanten Friderich Erzbischoff czu Maydeburg, Friderich herezog czu Sachsen, Johannes czu Meissen, Johannes czu Merßburg, Petrus czu Nuwenburg Bischöffe vns mit allen vnsern erbar mannen Steten vnd vndirsassen Bote graffen czu Stolburg, Rudolff von Bunaw Ritter, Mustin Trugkseh vnd ander graffen, herren Rittern knechten vnd Steten hy vorgebant czusampne verbunden voreint und gesaczt, voreinen sagen vnd vorbinden vns czusampne in kraft diß briffes, dy nesten sechs vnd ezwanzig Jar schirften nach einander folgende in nachgeschribener maße vnd weise. Czu dem ersten, als herezog Wilhelm vnd dy obgenanten vier dy yren addir ymand von yretwegen sulche getruwe gute meynung vnd woltat, dy herezogen Wilhelm vnd den landen czu Doringen czu großem nucz vnd frommen vorgenommen vnd so angehobin sint, nicht betrachten, sundern vns obgenante fürsten Bischöffe graffen herren Ritter knechte vnd Stete ins gemeyne addir besunderheit vmb obgerurte sache eynung vnd vorbündniß willen, darinnen wir doch anders nicht denn einen gemeynen nucz vnd frommen, vnser vnd der lande bestes suchen addir durch welches ander fürnemen daz queme addir geschee, vndirstunde czu vorgewaltigen, zu bekrigen, czu obirezihen, czu beschedigen addir czu veronrechten an vnsern gerechtikeiten, lobelichen alden herkommen vnd gewonheit, daz wir denn ein sulches vndir einandir getruwelichen sullen vnd wollen helffen weren schirmen schützen vnd dorinnen einer dem andern hülffe rath vnd beystand tun, also daz dy obgenanten von Erfurdt ire hülffe inwendig dem lande czu Doringen vnd nicht doruß getruwelichen tun sullen ane alles geverde. Auch sullen vnd wollen wir in ezeit dieser voreynigung vnd vorbündniß vndir einandir fruntlichen meynen vordern vnd eren an allen Steten

⁴) Von den vorstehenden, schon oben erwähnten vier bösen Räten des Herzogs Wilhelm mußten die beiden Bisthüm von Apolda, von welchen Bussio bald starb, das Land später in Folge des Friedensschlusses verlassen, und begaben sich nach Böhmen, wo des reichen Apels Söhne baronisiert wurden und deren Nachkommen unter dem bald nachher von einer Besizung bei Eger angenommenen Namen Bisthüm von Egersberg noch heute blühen. Mehr von Apel v. B. s. in Gauhe's Adelslexikon I. Theil. Das v. Kochberg'sche Geschlecht ist 1649 erloschen.